



WALES AUDIT OFFICE
SWYDDFA ARCHWILIO CYMRU

Mawrth 2014



Graddfeydd ffioedd archwilio ac arolygu llywodraeth leol 2014-15

Yn cynnwys graddfeydd ffioedd am archwilio cyfrifon 2013-14 awdurdodau unedol, gwasanaethau tân ac achub, awdurdodau parciau cenedlaethol, comisiynwyr yr heddlu a throseddu a phrif gwnstabiliaid, cronfeydd pensiwn a chynghorau tref a chymuned.

Rydym wedi ymgynghori ag ystod eang o randdeiliaid wrth baratoi'r ddogfen hon, gan gynnwys pobl Cymru, Gweinidogion Cymru a chyrrff llywodraeth leol yng Nghymru a'u cynrychiolwyr.

Mae'r graddfeydd ffioedd am archwilio cyfrifon cyrrff llywodraeth leol wedi'u rhagnodi o dan adran 20 o Ddeddf Archwilio Cyhoeddus (Cymru) 2004.

Mae'r graddfeydd ffioedd am asesiadau gwella, gwybodaeth am drefniadau gwella a chynllunio archwiliadau ac arolygiadau arbennig ym maes llywodraeth leol wedi'u rhagnodi o dan adran 27 o Fesur Llywodraeth Leol (Cymru) 2009.

Os oes angen i chi gael y cyhoeddiad hwn mewn fformat a/neu iaith arall, cysylltwch â ni gan ddefnyddio'r manylion a ddarperir isod, neu ffoniwch 029 2032 0500 neu e-bostiwch info@wao.gov.uk.

(h) Archwilydd Cyffredinol Cymru 2014

Swyddfa Archwilio Cymru
24 Heol y Gadeirlan
Caerdydd
CF11 9LJ

Rhagair gan yr Archwilydd Cyffredinol

Rwyf yn ddiolchgar i'r rheiny a ymatebodd i'r ymgynghoriad ar fy nghynigion ar gyfer graddfeydd ffioedd llywodraeth leol yn 2014-15.

Ar ôl ystyried yr holl safbwyntiau a gafwyd yn ofalus, rwyf wedi penderfynu rhagnodi'r ffioedd a amlinellwyd yn fy nghynigion, heblaw am y raddfa ffioedd am archwiliadau ac asesiadau gwella mewn awdurdodau parciau cenedlaethol. Yn gyffredinol, mae hyn yn golygu y bydd canolrifau graddfeydd ffioedd yn cynyddu i rai mathau a meintiau o gyrff llywodraeth leol, ac yn lleihau i gyrff eraill, er mwyn adlewyrchu cyfanswm costau gwaith yr archwilydd yn fwy cywir.

Mae'r graddfeydd ffioedd a ragnodir i'w gweld yng ngweddill y ddogfen hon.

Mae gofynion Mesur Llywodraeth Leol (Cymru) 2009 yn effeithio'n anghymesur ar awdurdodau parciau cenedlaethol. Gan fod yn rhaid i mi ddefnyddio trefn archwilio debyg i'r drefn a ddefnyddir mewn awdurdodau unedol (sy'n llawer mwy o faint) er mwyn cyflawni fy nyletswyddau o dan y Mesur, rwyf wedi penderfynu cynyddu'r cymhorthdal o grant Rhaglen Cymru ar gyfer Gwella ar gyfer graddfeydd ffioedd awdurdodau parciau cenedlaethol i tua 50 y cant o'r costau archwilio gwirioneddol.

Fel y nodwyd yn yr ymgynghoriad, eleni gallaf liniaru rhywfaint ar unrhyw gynnydd mewn graddfeydd ffioedd. O ganlyniad i'r newidiadau sy'n deillio o Ddeddf Archwilio Cyhoeddus (Cymru) 2013, ni all Swyddfa Archwilio Cymru ar ei ffurf newydd ddal unrhyw gronfeydd wrth gefn a gynhyrchir cyn 31 Mawrth 2014 drwy weithgarwch archwilio ym maes llywodraeth leol. Felly, rwyf yn bwriadu dychwelyd y cronfeydd wrth gefn hyn i gyrff llywodraeth leol. Er na allaf gadarnhau'r ffigurau terfynol hyd nes i'm cyfrifon gael eu harchwilio, gallaf gadarnhau y bydd yr holl gyrff llywodraeth leol, heblaw am y rhai sy'n destun trefniadau archwilio sicrwydd cyfyngedig, yn cael ad-daliad canrannol cyfartal sy'n werth tua 15 i 20 y cant o'u ffi archwilio. Hefyd, bydd yr holl gynghorau tref a chymuned sy'n destun trefniadau archwilio sicrwydd cyfyngedig yn cael ad-daliad o £30 yr un. Dylai'r ad-daliadau hyn helpu i leihau'r effaith a gaiff unrhyw gynnydd mewn graddfeydd ffioedd ar gyrff llywodraeth leol yn 2014-15, boed hynny o ganlyniad i'r dyfarniad TAW gan CThEM, y sail ddiwygiedig i bennu ffioedd ar gyfer ein gwaith, neu'r newidiadau angenrheidiol i'n methodoleg dyfarnu costau a'n dull cynllunio archwiliadau yn seiliedig ar sero.

Mae graddfeydd ffioedd yn darparu fframwaith y gall archwilwyr ei ddefnyddio i drafod ffioedd gyda chyrrff llywodraeth leol. Mae graddfeydd ffioedd hefyd yn fy ngalluogi i nodi a herio ffioedd yr ymddengys eu bod yn rhy uchel neu'n rhy isel i alluogi archwilwyr i gyflawni eu cyfrifoldebau'n llawn. Mae'r broses o rwystrau a gwrthbwsau ar gyfer ffioedd 2014-15 bellach yn dod at ei therfyn a bydd eich tîm archwilio lleol yn gallu rhoi mwy o fanylion am ffioedd ar lefel leol.



Bydd y ffioedd a godir ar gyrff unigol yn parhau i ddibynnu ar amgylchiadau pob corff. Rhaid i'r ffi fod yn ddigon i ariannu'r gwaith sydd ei angen gan ystyried materion fel yr amgylchedd llywodraethu, risg, trefniadau ariannol a rheoli perfformiad, maint, cymhlethdod a hanes blaenorol y corff o wella. Os bydd angen gwneud gwaith perfformiad ychwanegol neu nas cynlluniwyd o ganlyniad i fethiannau ar ran gyrff a archwilir i ddarparu'r hyn sydd ei angen ar archwilwyr i wneud eu gwaith yn effeithlon, caiff ffioedd ychwanegol eu codi sy'n gymesur â'r gwaith ychwanegol dan sylw.

Bydd Swyddfa Archwilio Cymru yn etifeddu'r graddfeydd ffioedd a ragnodir yn y ddogfen hon ac mae wedi cytuno i'w cynnwys yn ei chynllun codi ffioedd o 1 Ebrill 2014, yn amodol ar gymeradwyaeth gan y Cynulliad Cenedlaethol.

Huw Vaughan Thomas

Archwilydd Cyffredinol Cymru

Cynnwys

Graddfeydd ffioedd am waith archwilio blynyddol llywodraeth leol	6
Awdurdodau unedol	8
Awdurdodau tân ac achub	10
Awdurdodau parciau cenedlaethol	12
Comisiynwyr yr heddlu a throseddu a phrif gwnstablaiad	14
Cynghorau tref a chymuned	16
Cronfeydd pensiwn	17
Cyfraddau ffioedd am waith arall	18
Archwiliadau o fathau eraill o gyrrff llywodraeth leol, gwaith sydd y tu hwnt i ddyletswyddau cyffredinol archwilwyr, a gwaith ardystio grantiau	19
Gwaith atodol	21

Graddfeydd ffioedd am waith archwilio blynyddol llywodraeth leol



- 1 Mae'r graddfeydd ffioedd am waith archwilio blynyddol mewn cyrff llywodraeth leol yn seiliedig ar ddull cynllunio archwiliadau yn seiliedig ar sero sy'n ystyried amrywiadau o ran risgiau cyrff a archwilir a ffactorau eraill a all effeithio ar allu archwilwyr i gyflawni eu cyfrifoldebau'n briodol.
- 2 Caiff y gofynion o ran adnoddau eu trosi'n raddfeydd ffioedd sy'n uniongyrchol seiliedig ar gostau cyflawni'r gwaith, sy'n cynnwys teithio a chynhaliadau a chyfran briodol o'r gorbenion sefydliadol.
- 3 Cyflwynir y graddfeydd ffioedd, sydd wedi cael eu meincnodi, lle bo hynny'n briodol, yn erbyn ffioedd a godir gan asiantaethau archwilio eraill yn y DU, ar ffurf tablau a graffiau.
- 4 Mae gwaith archwilio blynyddol yn cynnwys gwaith a gyflawnir mewn perthynas ag archwilio cyfrifon a, lle bo hynny'n berthnasol, gwaith archwilio ac asesu gwelliant a gyflawnir o dan Fesur Llywodraeth Leol (Cymru) 2009.
- 5 Nid yw'r graddfeydd ffioedd am waith archwilio blynyddol yn cynnwys gwaith sydd y tu hwnt i ddyletswyddau cyffredinol archwilwyr, megis adroddiadau er budd y cyhoedd, archwiliadau eithriadol, arolygiadau arbennig a gwaith sy'n ymwneud â her etholaethol ac atal gwariant anghyfreithlon. Codir tâl am waith ychwanegol o'r fath fesul diwrnod.
- 6 Mae graddfeydd ffioedd gwahanol hefyd yn gymwys i'r gwaith o ardystio hawliadau a datganiadau mewn perthynas â grantiau a dalwyd neu gymorthdaliadau a roddwyd i gyrff gwasanaethau llywodraeth leol.
- 7 Bydd archwilwyr yn defnyddio eu barn broffesiynol, a lywir gan God Ymarfer Archwilio'r Archwilydd Cyffredinol, safonau cyfrifyddu ac archwilio perthnasol a chanllawiau a gyhoeddwyd gan yr Archwilydd Cyffredinol er mwyn pennu pa ffioedd sy'n gymwys i gorff penodol a archwilir gan ddefnyddio'r raddfa ffioedd benodedig ar gyfer y math hwnnw o gorff.
- 8 Os na fydd ffioedd arfaethedig ar y raddfa ffioedd benodedig, neu os byddant wedi newid mwy na ± 5 y cant o flwyddyn i flwyddyn, bydd yr Archwilydd Cyffredinol ac, o 1 Ebrill 2014, Swyddfa Archwilio Cymru yn adolygu'r ffioedd arfaethedig er mwyn sicrhau bod yr amgylchiadau perthnasol dan sylw yn cynnig eglurhad digonol. Bydd hyn yn cyfyngu ar y posibilrwydd o weld ffioedd gormodol neu annigonol.
- 9 Ar ôl defnyddio'r rheolaethau hyn trafodir y ffi gyda'r corff perthnasol a archwilir ac, yn amodol ar unrhyw wybodaeth bellach a ddaw i'r amlwg sy'n effeithio ar y gwaith i'w gyflawni, fe'i cadarnheir fel y ffi i'w chodi ar y corff hwnnw.
- 10 Gan fod trefniadau bilio am waith asesu ac archwilio gwelliant eisoes ar waith ar gyfer y cyfnod a ddaw i ben ar 31 Mawrth 2014, dylid nodi na fydd y trefniadau hynny'n newid tan gyfnodau o fis Ebrill 2014 ymlaen.
- 11 Mae rhagor o wybodaeth a chanllawiau ar raddfeydd ffioedd a phennu ffioedd ar gael ar wefan Swyddfa Archwilio Cymru.

Awdurdodau unedol

- 12 Mae canolrif graddfa cyfanswm ffioedd 2014-15 ar gyfer awdurdodau unedol wedi cynyddu yn achos awdurdodau llai a lleihau yn achos awdurdodau mwy er mwyn rhoi adlewyrchiad mwy cywir o gyfanswm costau gwaith archwilwyr.

Graddfa ffioedd am archwilio cyfrifon 2013-14

Gwariant gros £000,000	Ystod cyfanswm ffioedd £000		
	Lleiafswm	Canolrif	Uchafswm
100	119	140	161
200	143	168	193
300	159	187	215
400	172	202	232
500	182	215	247
600	191	225	259
700	199	235	270
800	207	243	280
900	213	251	289
1,000	219	258	297
1,100	225	265	304
1,200	230	271	312


Graddfa ffioedd am archwiliadau ac asesiadau gwella 2014-15

Pob awdurdod unedol	Ystod cyfanswm ffioedd £000		
	Lleiafswm	Canolrif	Uchafswm
	98	117	136

Graddfa cyfanswm ffioedd 2014-15

Gwariant gros £000,000	Ystod cyfanswm ffioedd £000			
	Lleiafswm	Canolrif	Uchafswm	Canolrif 2013-14
100	217	257	296	196
200	241	285	329	242
300	257	304	351	273
400	270	319	368	298
500	281	331	382	319
600	290	342	395	337
700	298	352	405	353
800	305	360	415	367
900	311	368	424	380
1,000	318	375	432	393
1,100	323	382	440	404
1,200	328	388	447	415

Graff o raddfa cyfanswm ffioedd 2014-15 ar gyfer awdurdodau unedol



Awdurdodau tân ac achub

- 13 Mae canolrif graddfa cyfanswm ffioedd 2014-15 ar gyfer awdurdodau tân ac achub wedi cynyddu yn achos awdurdodau llai a lleihau yn achos awdurdodau mwy er mwyn rhoi adlewyrchiad mwy cywir o gyfanswm costau gwaith archwilwyr.

Graddfa ffioedd am archwilio cyfrifon 2013-14

Gwariant gros £000,000	Ystod cyfanswm ffioedd £000		
	Lleiafswm	Canolrif	Uchafswm
20	35	41	47
40	42	49	57
60	47	55	63
80	50	59	68
100	53	63	72


Graddfa ffioedd am archwiliadau ac asesiadau gwella 2014-15

Pob awdurdod tân ac achub	Ystod cyfanswm ffioedd £000		
	Lleiafswm	Canolrif	Uchafswm
	11	16	21

Graddfa cyfanswm ffioedd 2014-15 ar gyfer awdurdodau tân ac achub

Gwariant gros £000,000	Ystod cyfanswm ffioedd £000			
	Lleiafswm	Canolrif	Uchafswm	Canolrif 2013-14
20	45	57	68	48
40	52	65	78	61
60	57	71	84	71
80	61	75	89	79
100	64	79	93	85

Graff o raddfa cyfanswm ffioedd 2014-15 ar gyfer awdurdodau tân ac achub



Awdurdodau parciau cenedlaethol

- 14 Mae canolrif graddfa cyfanswm ffioedd 2014-15 ar gyfer awdurdodau parciau cenedlaethol wedi cynyddu er mwyn rhoi adlewyrchiad mwy cywir o gyfanswm costau gwaith archwilyr wrth archwilio cyfrifon.

Graddfa ffioedd am archwilio cyfrifon 2013-14

Gwariant gros £000,000	Ystod cyfanswm ffioedd £000		
	Lleiafswm	Canolrif	Uchafswm
2	22	25	29
4	26	31	35
6	29	34	39
8	31	37	42
10	33	39	45


Graddfa ffioedd am archwiliadau ac asesiadau gwella 2014-15

Pob awdurdod parc cenedlaethol	Ystod cyfanswm ffioedd £000		
	Lleiafswm	Canolrif	Uchafswm
	5	7	10

Graddfa cyfanswm ffioedd 2014-15

Gwariant gros £000,000	Ystod cyfanswm ffioedd £000			
	Lleiafswm	Canolrif	Uchafswm	Canolrif 2013-14
2	27	33	39	23
4	31	38	45	30
6	34	41	49	35
8	36	44	52	39
10	38	46	55	42

Graff o raddfa cyfanswm ffioedd 2014-15 ar gyfer awdurdodau parciau cenedlaethol




Comisiynwyr yr heddlu a throseddu a phrif gwnstabiliaid

- 15 Diddymodd Deddf Diwygio'r Heddlu a Chyfrifoldeb Cymdeithasol 2011 awdurdodau'r heddlu gan sefydlu, fel endidau cyfreithiol ar wahân, gomisiynydd yr heddlu a throseddu a phrif gwnstabl ym mhob ardal heddlu leol. Mae angen i archwilwyr yn awr archwilio dau gorff statudol mewn ardal heddlu, yn hytrach nag un.
- 16 Y llynedd dim ond graddfeydd ffioedd dros dro am archwilio cyfrifon comisiynwyr yr heddlu a throseddu a phrif gwnstabiliaid yr oedd yr Archwilydd Cyffredinol wedi gallu eu datgan oherwydd roedd yn aros am gadarnhad terfynol o ofynion cyfrifyddu'r ddau gorff.
- 17 Mae gofynion cyfrifyddu'r ddau gorff bellach wedi'u cadarnhau, sy'n golygu y gellir pennu graddfeydd ffioedd terfynol. Mae archwilwyr wedi gweithio gyda phrif swyddogion cyllid i sicrhau bod y cynnydd angenrheidiol mewn ffioedd er mwyn gwneud y gwaith ychwanegol ar y cyfrifon, wedi cael ei gadw i'r swm lleiaf sydd ei angen er mwyn i archwilwyr gyflawni eu cyfrifoldebau.
- 18 Mater i'r archwilwyr fydd penderfynu sut y caiff cyfanswm y ffi ei rannu rhwng y ddau gorff mewn ardal heddlu benodol, yn seiliedig ar ofynion cyfrifyddu a'r trefniadau gweithredol a roddwyd ar waith gan bob corff.

Graddfa ffioedd am archwilio cyfrifon 2013-14

Gwariant gros cyfun y PCC a'r CC £000,000	Ystod ffioedd cyfun y Comisiynydd a'r Prif Gwnstabl £000			
	Lleiafswm	Canolrif	Uchafswm	Amcangyfrif o ganolrif y llynedd
50	67	76	85	55 i 60
100	78	89	100	73 i 79
150	85	97	110	86 i 93
200	90	104	117	96 i 105
250	95	109	124	105 i 115
300	99	114	129	113 i 123
350	103	118	134	121 i 131

Graff o raddfa ffioedd 2014-15 ar gyfer comisiynwyr yr heddlu a throseddu a phrif gwnstabiaid



Cynghorau tref a chymuned

- 19 Mae cynghorau tref a chymuned sydd ag incwm neu wariant o hyd at £1 filiwn yn cael eu harchwilio ar sail 'sicrwydd cyfyngedig'. Mae ffioedd am yr archwiliadau hyn, sy'n amrywio yn unol â throsiant blynyddol, wedi cael eu diwygio ar gyfer yr archwiliadau o gyfrifon 2013-14 er mwyn rhoi adlewyrchiad mwy cywir o gyfanswm costau gwaith archwilwyr a chyd-fynd â darpariaethau cyfreithiol newydd. Bydd y newidiadau yn arwain at gynydd bach mewn ffioedd i gynghorau tref a chymuned llai o faint, ond byddant yn arwain at leihad sylweddol mewn ffioedd i gynghorau tref a chymuned sydd ag incwm neu wariant o fwy na £30,000.
- 20 O dan amgylchiadau lle bo angen rhagor o dystiolaeth ar yr archwilydd i gyflawni ei gyfrifoldebau'n briodol, gan gynnwys ar ôl cyhoeddi adroddiad cysylltiedig er budd y cyhoedd, cynhelir profion ychwanegol i fynd i'r afael â phryderon yr archwilydd, a chodir ffioedd ychwanegol yn gymesur â'r gwaith ychwanegol dan sylw.
- 21 Mae'r Archwilydd Cyffredinol yn bwriadu cyflwyno un math o archwiliad ar gyfer pob cyngor tref a chymuned, sy'n debyg i'r archwiliad canolradd presennol, yn lle'r archwiliadau dwy haen presennol (sylfaenol/canolradd), o flwyddyn cyfrifon 2015-16 ymlaen. Bydd y drefn ddiwygiedig yn annog cynghorau i ganolbwyntio ar wella eu trefniadau rheoli ariannol a llywodraethu, ac yn arwain at fwy o adroddiadau cyhoeddus ar faterion sy'n deillio o waith archwilio.

Graddfa ffioedd am archwilio cyfrifon 2013-14 cynghorau tref a chymuned ag incwm neu wariant o hyd at £1,000,000

Incwm neu wariant blynyddol (telir ffioedd yn seiliedig ar ba un sydd fwyaf bob blwyddyn)	Math o archwiliad	Ffi arfaethedig	Ffi a godwyd y llynedd
£Dim - £1,000	Sylfaenol	£30	Ni fydd ffi yn daladwy
£1,001 - £5,000	Sylfaenol	£80	£60
£5,001 - £10,000	Sylfaenol	£175	£130
£10,001 - £30,000	Sylfaenol	£205	£150
£30,001 - £60,000	Sylfaenol	£295	£310
£60,001 - £100,000	Sylfaenol	£350	£425
£100,001 - £200,000	Sylfaenol	£415	£575
£200,001 - £300,000	Canolradd	£650	£920
£300,001 - £400,000	Canolradd	£650	£1,100
£400,001 - £500,000	Canolradd	£650	£1,520
£500,001 - £750,000	Canolradd	£920	£2,045
£750,001 - £1,000,000	Canolradd	£920	£2,625

Cronfeydd pensiwn

- 22 Mae canolrif y raddfa ffioedd am archwilio cyfrifon 2013-14 cronfeydd pensiwn llywodraeth leol wedi cynyddu er mwyn rhoi adlewyrchiad mwy cywir o gyfanswm costau gwaith archwilwyr.

Graddfa ffioedd am archwilio cyfrifon 2013-14

Pob cronfa bensiw	Ystod ffioedd £000			
	Lleiafswm	Canolrif	Uchafswm	Canolrif 2013-14
	30	40	50	28

Cyfraddau ffioedd am waith arall



Archwiliadau o fathau eraill o gyrff llywodraeth leol, gwaith sydd y tu hwnt i ddyletswyddau cyffredinol archwilwyr, a gwaith ardystio grantiau

- 23 Ar wahân i'r mathau hynny o gyrff y rhagnodwyd graddfeydd ffioedd ar eu cyfer, mae nifer fach o fathau eraill o gyrff llywodraeth leol. Ar gyfer archwiliadau o'r gyrff hyn, caiff dull cynllunio archwiliadau sy'n seiliedig ar sero ei ddefnyddio o hyd, a chaiff y gofynion o ran adnoddau eu trosi'n ffioedd sy'n uniongyrchol seiliedig ar gostau cyflawni'r gwaith.
- 24 Er mwyn cyflawni eu cyfrifoldebau statudol, mae'n rhaid i archwilwyr o bryd i'w gilydd wneud gwaith sydd y tu hwnt i'w dyletswyddau cyffredinol. Gall gwaith ychwanegol gynnwys adroddiadau er budd y cyhoedd, archwiliadau eithriadol, arolygiadau arbennig a gwaith pellach sy'n ymwneud â her etholaethol ac atal gwariant anghyfreithlon. Bydd y ffioedd a godir am y math hwn o waith yn adlewyrchu natur y gwaith dan sylw.
- 25 Caiff archwilwyr hefyd wneud gwaith ardystio grantiau mewn gyrff llywodraeth leol ar ran yr Archwilydd Cyffredinol. Mae lefel y gwaith ardystio grantiau a wneir mewn unrhyw flwyddyn yn dibynnu ar nifer y cynlluniau a gaiff eu harchwilio a nifer y gyrff a archwilir sy'n cymryd rhan yn y cynlluniau hynny. Codir ffioedd am y gwaith hwn fesul diwrnod ac maent yn adlewyrchu maint, cymhlethdod neu unrhyw faterion penodol sy'n gysylltiedig â'r grant dan sylw.
- 26 Ym mhob un o'r achosion hyn, caiff ffioedd eu codi ar sail y cyfraddau ffioedd a nodir isod. Efallai y bydd cyfraddau uwch yn briodol ar gyfer darnau penodol o waith, sy'n galw am sgiliau arbenigol. O dan amgylchiadau o'r fath mae'n rhaid i'r archwilydd gysylltu â'r Archwilydd Cyffredinol ymlaen llaw.

Cyfraddau ffioedd am waith arall

Graddfa staff		Cyfradd ffioedd fesul awr
Archwiliad ariannol	Arweinydd ymgysylltu	£162
	Rheolwr yr archwiliad	£111
	Arweinydd tîm	£75
	Aelod o'r tîm	£56
	Swyddog dan hyfforddiant	£45
	Technegydd	£30
Archwiliad perfformiad	Arweinydd ymgysylltu	£173
	Rheolwr yr archwiliad	£111
	Arweinydd yr archwiliad perfformiad	£93
	Archwilydd perfformiad	£65

27 Isod, ceir amcangyfrifon o gyfrannau perthynol y graddfeydd staff archwiliadau ariannol a ddefnyddir ar gyfer y mathau gwahanol o waith ar grantiau.

28 Y grantiau cymhleth yw:

- a BEN01 Cynllun budd-daliadau tai a threth gyngor
- b EUR01 Rhaglen Cronfeydd Strwythurol 2007-13 (Cyddyfeirio a Chystadleurwydd a Chyflogaeth Ranbarthol)
- c HOU03 Cymhorthdal y Cyfrif Refeniw Tai (awdurdodau nad ydynt yn trosglwyddo stoc)
- ch LA01 Ffurflen ardrethi annomestig cenedlaethol
- d PEN05 Ffurflen pensiynau athrawon

Amcangyfrif o'r cymysgedd staff ar gyfer gwaith ardystio grantiau

Graddfa staff	Cymysgedd staff ar gyfer grantiau cymhleth %	Cymysgedd staff ar gyfer yr holl grantiau eraill %
Arweinydd ymgysylltu	1 i 2	0 i 1
Rheolwr yr archwiliad	4 i 6	1 i 2
Arweinydd tîm	18 i 21	12 i 16
Aelod o'r tîm/swyddog dan hyfforddiant/technegydd	77 i 71	87 i 81

Gwaith atodol

- 29 Caiff cyrff a archwilir a mathau penodol eraill o gyrff wneud trefniadau â Swyddfa Archwilio Cymru i'r Archwilydd Cyffredinol neu Swyddfa Archwilio Cymru ddarparu gwasanaethau gweinyddol, proffesiynol a thechnegol.
- 30 Ni dderbynnir gwaith o'r fath os gallai beryglu annibyniaeth ac uniondeb archwiliadau neu os gellid ystyried ei fod yn gwneud hynny, oni ellir rhoi mesurau lliniaru a rheolaethau priodol ar waith.
- 31 Os cyflawnir gwaith o'r fath yn unol â'r rheolau hyn, caiff y ffioedd i'w codi, o 1 Ebrill 2014, eu pennu fel y gwêl Swyddfa Archwilio Cymru orau, ar yr amod nad yw'r ffioedd yn fwy na chyfanswm cost y gwaith.